

36.

1316
Jan. 8.

Serenissimo [ac magnifico]¹ principi domino Frederico Dei gracia Romanorum Regi semper Augusto benedicto et karisimo filio suo Iacobus per eamdem Rex Aragonum etc. salutem et cum pleno paterne dilectionis affectu votive prosperitatis augmentum. Litteram vestram ultimo missam leta manu recipimus ejus seriem intente audivimus ac plenario collegimus intellectu. Ad contenta autem in prima parte littere supradicte, in qua colligitur vos consilium nostrum datum de non eligendis hoc tempore inter reverendos patres dominos cardinales promotoribus cause vestre² gratanter esse amplexum, cupientes nostra in hiis et aliis vestris agendis consilia imitari, Serenitati Vestre rescribimus, quod nos promocionem vestram et vestra negocia ut nostra propria aut nostri filii racionabiliter reputantes intendimus vos et ea et consiliis et quibus possimus favoribus utiliter dirigere et tractare. Secunda vero pars dictae littere sic habebat, quod, quia desiderabile animis vestris inest, ut nexum sanguinis inter vos et nos contractum, licet principalior esse non possit, in quibus poteritis in accesoriis dilatare et intimastis nobis negocium, quod ad sugestionem sinceram quorundam amicorum illustris Frederici Regis Sicilie karissimi fratris nostri ordinare concepistis, si de nostri consilio et de nostra processerit voluntate, videlicet de conyugio primogeniti dicti regis Sicilie pro preclara Caterina sorore vestra et quod inde vobis significaremus nostre voluntatis intentum. Et quibus bene consideratis sub hoc taliter respon-

fol. 13^v demus, quod nostris affectibus admodum | complacetur, si inter domum vestram et nostram efficax et tenax et indissoluble vinculum jam contractum posset quibuscumque aliis roborari. Set ecce quod, sicuti vidi-
mus per tenores quorundam scriptorum nobis dudum missorum confec-
torum ex pactis certis olim initis inter bone memorie Henricum Roma-
norum Imperatorem et memoratum fratrum nostrum Regem Sicilie, idem
Imperator affirmavit se contraxisse et firmasse sponsalicia et matrimonium
per verba de presenti iuxta sacrorum canonum instituta inter inclitam
Beatricem filiam suam ex una parte et spectabilem prefati Regis Sicilie
primogenitum ex altera, super eo prestitis juramentis. Convertentes autem
ad hoc mentem nostram, vidi-
mus, si talia extant pacta, negocium quod
significasti-
nobis non posse procedere nec debere neque nos posse com-
mode intromitere de eodem; verum tamen si vos hiis auditis aliud senti-
ritis vel aliud uos facturos videritis, rescribatis. Tercia autem et ultima
pars dictae littere nos de vestris succesibus et processibus informavit, quos
utique letos habuimus et jocundos. Et quia vos de prosperitate status
nostri audire delectat, Serenitati Vestre (ad gaudium intimamus),³ quod
agente illo a quo bona cuncta procedunt nos una cum liberis nostris
karissimis plena et votiva sospitate vigemus. Datum Barchinone VI^o
idus januarii anno Domini M^o CCC^o quintodecimo.

Bernardus de Aversone m. r. et fuit ei lecta.